

SCRIPTA

Numéro Scripta : 913

Auteur(s) : Henri II, Bayeux (évêque)

Bénéficiaire(s) : Jourdain, chanoine d'Amayé, Bayeux (archidiacre)

Bénéficiaire(s) : Robert de Gouvix [chevalier]

Genre d'acte : charte

Authenticité : non suspect

Datation : [1165-1205]

Action juridique : autre

Langue du texte : latin

Analyse

Henri II, évêque de Bayeux, notifie une composition à l'amiable faite entre l'archidiacre Jourdain, chanoine d'Amayé-(sur-Orne), et le chevalier Robert de Gouvix, au sujet de quelques dîmes de cette prébende. Le clerc présenté par Robert au chanoine devra jurer fidélité et obéissance à ce dernier.

Tableau de la tradition

Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° CXXII, t. 1, p. 147-149.

Dissertation critique

Épiscopat d'Henri II, 1165-1205.

Texte établi d'après a

Henricus, Dei gratia Baiocensis episcopus, omnibus Christi fidelibus, tam praesentibus quam futuris, salutem in Domino. Noverit universitas vestra quod, cum inter Jordanum, archidiaconum Baiocensem, canonicum praebendae de Mae, et Robertum de Goviz, militem, controversia verteretur super quibusdam ejusdem villae decimis, tandem, interveniente amabili compositione, in praesentia nostra, et capituli nostri Baiocensis, in hunc modum sopita conquievit. Dictus siquidem miles in manu nostra resignavit omne jus quod habebat in decimis ejusdem villae, et ubicumque in ea essent sibi vendicabat, et auctoritate nostra et dicti capituli interveniente, concessit eidem canonico, et successoribus suis in eadem praebenda, praefatas decimas, cum omni integritate, perpetuo possidendas, ita quod sibi, vel haeredibus suis, nichil omnino in eisdem decimis retinuit, hoc excepto quod canonicus, vel successores sui, dabunt de grangia sua, per manum canonici, duos modios bladi, unum scilicet frumenti, et alterum ordeï, ad mensuram dictae villae, annis singulis, infra mensem septembris et Natale Domini recipiendos clerico quem dicto canonico, vel successoribus suis, praedictus miles, vel haeredes sui, praesentabunt. Si vero contigerit dictum Robertum juste evincere praesentationem cantariae praenominatae villae a Rogero de Mae milite, clericus, qui ab ipso Roberto, vel haeredibus suis, canonico, vel successoribus suis, fuerit praesentatus, altaragium, et omnes minutas decimas, et tres modios bladi tercionarii, in grangia canonici, per manum canonici, ad dictam mensuram, infra praefatum terminum, nominatae cantariae percipiet, et nichil ultra in decimis praefatae villae, vel in aliquo ad ecclesiam de Mae pertinente, idem clericus vendicabit ; sed omnes decimae, tam in duabus garbis quam tercia, canonico in perpetuum remanebunt, clerico autem, ad dictam cantariam praesentato, antedicti duo modii,

unus frumenti, et alter ordeï, ipsi canonico in perpetuum remanebunt. Quicumque vero clericus canonico fuerit præsentatus, fidelitatem et obedientiam jurabit se canonico servaturum, et nichil, ultra id quod prædictum est, in præfatis ecclesia vel decimis petiturum. Hæc autem fideliter observanda juramento ab utraque parte præstito firmata sunt. Ut ergo hæc firma sint, et stabilia perseverent in perpetuum, ea præsentis scripti testimonio, et tam sigilli nostri quam sigillorum prædicti capituli et Roberti de Goviz, militis, appensione dignum duximus roborare.